

ইসলাম একটি পূর্ণাঙ্গ জীবন ব্যবস্থা

“ইসলাম একটি পূর্ণাঙ্গ জীবন ব্যবস্থা” এতে কোন সন্দেহের অবকাশ নেই যে, ইসলাম একমাত্র পরিপূর্ণ জীবন ব্যবস্থা। কারণ মানব জীবনের এমন কোন দিক নেই, যে সম্পর্কে ইসলাম সুস্পষ্ট নির্দেশনা দেইনি। ইসলাম মানুষের ব্যক্তিগত জীবন থেকে শুরু করে পারিবারিক, সামাজিক, অর্থনৈতিক, আন্তর্জাতিক ইত্যাদি বিষয়ে নির্দেশনা দিয়েছেন।

আল্লাহ্ তা‘আলা বলেনঃ

وَنَزَّلْنَا عَلَيْكَ الْكِتَابَ تِبْيَانًا لِّكُلِّ شَيْءٍ

“আমি আপনার প্রতি এমন কিতাব অবতীর্ণ করেছি, যাতে সবকিছু সুস্পষ্টভাবে বর্ণনা করা হয়েছে” (সূরা নাহল-৮৯)

এতে প্রমানিত হয় যে, একটি পূর্ণাঙ্গ জীবন ব্যবস্থার নাম ইসলাম। আর এ ইসলাম প্রতিটি ব্যক্তিকে ইহকালে শান্তি ও পরকালে মুক্তির পথ দেখায়। এ পথ মানুষ চিনতে পারে একমাত্র ইসলামী জ্ঞান অর্জনের মাধ্যমে। সুতরাং যখন কোন ব্যক্তি নিজের জীবনকে ইসলামের আলোকে গড়বে তখন অবশ্যই তাকে জানতে হবে ইসলামী জ্ঞান। ইসলামী জ্ঞান ছাড়া ভালো-মন্দের পার্থক্য করা সম্ভব নয়। ইসলামী জ্ঞানের মূল উৎস দুটিঃ আল্লাহর বাণী আল-কুরআন ও রাসূল সাঃ এর হাদীস।

অতএব ভাল কাজ করার জন্য আর মন্দ কাজ পরিত্যাগ করার জন্য ইসলামী জ্ঞান অর্জনের কোন বিকল্প পথ নেই।

আল্লাহ্ তা‘আলা বলেনঃ

قُلْ هَلْ يَسْتَوِ الَّذِينَ يَعْلَمُونَ وَالَّذِينَ لَا يَعْلَمُونَ

“বলুনঃ যারা জানে আর যারা জানে না তাঁরা উভয়ে কি সমান হতে পারে ? অর্থাৎ কখনো উভয়ে সমান হতে পারে না”। (সূরা আঝ-ঝুমার-৯)

ইসলাম এমন একটি পরিপূর্ণ জীবন ব্যবস্থা যা সকল প্রকার সংযোজন ও বিয়জন হতে মুক্ত।

আল্লাহ্ তা‘আলা বলেনঃ

الْيَوْمَ اكْمَلْتُ لَكُمْ دِينَكُمْ وَاتَّمَمْتُ عَلَيْكُمْ نِعْمَتِي وَرَضِيتُ لَكُمُ الْإِسْلَامَ دِينًا

“আজ আমি তোমাদের দীনকে তোমাদের জন্য পরিপূর্ণ করে দিলাম এবং তোমাদের প্রতি আমার নিয়ামতকে সম্পূর্ণ করে দিলাম এবং ইসলামকে তোমাদের জন্য দীন হিসেবে পছন্দ করে নিলাম”।

(সূরা আল মায়িদাহ্-৩)

আল্লাহ্ তা‘আলা বান্দা হতে নির্ভেজাল ইসলাম ছাড়া অন্য কোন ধর্ম, মত বা পথ গ্রহন করেন না।

আল্লাহ তা'আলা বলেনঃ

وَمَنْ يَبْتَغِ غَيْرَ الْإِسْلَامِ دِينًا فَلَنْ يُقْبَلَ مِنْهُ وَهُوَ فِي الْآخِرَةِ مِنَ الْخَاسِرِينَ

“আর যে ব্যক্তি ইসলাম ছাড়া অন্য কোন জীবন ব্যবস্থা তালাশ করবে সেটা কখনো কবুল করা হবে না এবং সে আখিরাতে ক্ষতিগ্রস্তদের অন্তর্ভুক্ত হবে”। (সূরা আল ইমরান-৮৩)

সুতরাং উপর্যুক্ত আলোচনা হতে বুঝা যায় পৃথিবীতে একমাত্র ইসলামী জীবন ব্যবস্থার আলোকে জীবন পরিচালনা করার বিকল্প কোন পথ নেই। আমরা আল্লাহর কাছে দু'আ করি ,আল্লাহ তা'আলা আমাদেরকে ইসলামের আলোকে জীবন পরিচালনা করার তাওফিক দান করুন-আমিন ।